



## გარემოს დაცვისა და სოფლის მეურნეობის სამინისტრო

11 დეკემბერი 2023

მარშალ გელოვანის გამზ.N34  
0159 თბილისი, საქართველო  
+995 32 237 80 13  
+995 32 237 80 44  
info@mepa.gov.ge



N 9889/01

### საქართველოს პრეზიდენტს ქალბატონ სალომე ზურაბიშვილს

ქალბატონ სალომე,

„საქართველოს ზოგადი ადმინისტრაციული კოდექსის” 49-ე მუხლის შესაბამისად, წარმოგიდენთ საქართველოს გარემოს დაცვისა და სოფლის მეურნეობის სამინისტროს 2023 წლის ანგარიშს „საქართველოს ზოგადი ადმინისტრაციული კოდექსის” ინფორმაციის თავისუფლების თავით გათვალისწინებული მოთხოვნების შესრულების თაობაზე.

საქართველოს გარემოს დაცვისა და სოფლის მეურნეობის მინისტრის 2018 წლის 19 მარტის #2-164 ბრძანების საფუძველზე, საქართველოს გარემოს დაცვისა და სოფლის მეურნეობის სამინისტროს საჯარო ინფორმაციის გაცემასა და ინფორმაციის პროაქტიულად გამოქვეყნებაზე პასუხისმგებელ პირად განისაზღვრა სტრატეგიული კომუნიკაციის დეპარტამენტის პირველადი სტრუქტურული ერთეულის ხელმძღვანელი ნანა ჩინჩილაკაშვილი.

საქართველოს გარემოს დაცვისა და სოფლის მეურნეობის სამინისტროს მიერ, ელექტრონული ფორმით საჯარო ინფორმაციის მოთხოვნის წარმოდგენა უზრუნველყოფილია სამინისტროს ელექტრონული პორტალისა (<http://mepa.gov.ge/Ge/SubscribePublicInfo>) და სამინისტროს ოფიციალური ელექტრონული ფოსტის ([info@mepa.gov.ge](mailto:info@mepa.gov.ge)) მეშვეობით, საქართველოს „ზოგადი ადმინისტრაციული კოდექსი”-სა და „საჯარო ინფორმაციის ელექტრონული ფორმით მოთხოვნისა და პროაქტიულად გამოქვეყნების შესახებ“ საქართველოს მთავრობის 2013 წლის 26 აგვისტოს N219 დადგენილების მოთხოვნათა შესაბამისად.

2022 წლის 10 დეკემბრიდან 2023 წლის 10 დეკემბრამდე საანგარიშო პერიოდში, „საქართველოს ზოგადი ადმინისტრაციული კოდექსის” მესამე თავის შესაბამისად, სამინისტროს, საჯარო ინფორმაციის გაცემის მოთხოვნით მომართა 181 განმცხადებელმა. სამინისტროში შემოსული 181 განმცხადებიდან:

-89 შემთხვევაში დაინტერესებული პირი იყო ფიზიკური პირი;

-82 შემთხვევაში, დაინტერესებული პირი იყო იურიდიული პირი, მათ შორის: 10 შემთხვევაში, განმცხადებელი იყო სამეწარმეო იურიდიული პირი, 48 შემთხვევაში-

არასამეწარმეო იურიდიული პირი, ხოლო 24 შემთხვევაში-სხვადასხვა მედია საშუალება;

-10 შემთხვევაში, სამინისტროს საჯარო ინფორმაციის გაცემის მოთხოვნით, მომართა ადმინისტრაციულმა ორგანომ.

საქართველოს გარემოს დაცვისა და სოფლის მეურნეობის სამინისტროში შემოსული 181 განცხადებიდან:

კომპეტენციის ფარგლებში, სრულად დაკმაყოფილდა 68 განცხადება;

ნაწილობრივ დაკმაყოფილდა 7 განცხადება. მათგან: 3 შემთხვევაში, მოთხოვნილი ფორმით სამინისტროს არ ჰქონდა დამუშავებული ინფორმაცია; 1 შემთხვევაში, მოთხოვნის ნაწილი არ განკუთვნებოდა სამინისტროს კომპეტენციას; 3 შემთხვევაში, მოთხოვნილი იყო პერსონალური ინფორმაცია.

არ გაიცა ინფორმაცია 25 განცხადებაზე;

76 განცხადება, კანონის მოთხოვნათა სრული დაცვით, „საქართველოს ზოგადი ადმინისტრაციული კოდექსის” მე-80 მუხლის საფუძველზე, განცხადებები განსახილველად გადაეგზავნა შესაბამის სახელმწიფო უწყებებს. აღნიშნულის შესახებ კი ინფორმაცია ეცნობათ განმცხადებლებს.

5 განცხადებაზე მიმდინარეობს წარმოება.

საანგარიშო პერიოდში, უარი საჯარო ინფორმაციის გაცემაზე გასაჩივრდა 3 შემთხვევაში.

მოთხოვნა საჯარო ინფორმაციაში შესწორების შეტანის შესახებ არ შემოსულა.

საანგარიშო პერიოდში სამინისტროს ცენტრალურ აპარატში შემოსული განცხადებები ძირითადად შეიცავდა ერთდროულად რამდენიმე მოთხოვნას. ხშირად მოთხოვნილი იყო შემდეგი სახის საჯარო ინფორმაცია:

- გაცემული სახელფასო დანამატებისა და პრემიების შესახებ;
- საქართველოს რეგიონებში განხორციელებული ინფრასტრუქტურული პროექტების შესახებ;
- თანამშრომელთა მიღებისა და კონკურსის ჩატარების შესახებ;
- ტყის მართვის გეგმების წარმოდგენის შესახებ;
- ნადირობის უკანონო ფაქტების შესახებ;
- მოსახლეობისთვის საშეშე მერქნის გამოყოფის შესახებ;
- შავი ზღვის დაბინძურების ხარისხის სტატისტიკის შესახებ;
- სასოფლო-სამეურნეო პროექტებში გახარჯული თანხების შესახებ;
- კლიმატის ცვლილების შესახებ განხორციელებული პროექტების შესახებ;
- კომპანიების ნარჩენების მართვის გეგმების წარმოდგენის შესახებ;
- კომპანიების ინსპექტირების შედეგების შესახებ და ა.შ.

საჯარო ინფორმაციის გაცემისას, საქართველოს გარემოს დაცვისა და სოფლის მეურნოების სამინისტრო ხელმძღვანელობს საქართველოს კონსტიტუციის, „პერსონალურ მონაცემთა დაცვის შესახებ“ საქართველოს კანონისა და „საქართველოს ზოგადი ადმინისტრაციული კოდექსი“-ს შესაბამისი მუხლებით.

საჯარო ინფორმაციის ხელმისაწვდომობა ასევე უზრუნველყოფილია ინფორმაციის პროაქტიულად გამოქვეყნების გზით სამინისტროს ოფიციალურ ვებ-გვერდზე ([mepa.gov.ge](http://mepa.gov.ge)).

საქართველოს გარემოს დაცვისა და სოფლის მეურნეობის სამინისტრო არ წარმოადგენს კოლეგიურ საჯარო დაწესებულებას. შესაბამისად, სხდომის დახურვის შესახებ გადაწყვეტილებები არ არის მიღებული საანგარიშო პერიოდში.

სამინისტროს ცენტრალური აპარატის ცალკეული სტრუქტურული ერთეულები, მათთვის დებულებით დაკისრებული საჯარო უფლებამოსილების ფარგლებში ახორციელებენ პერსონალური მონაცემების შეგროვებას, დამუშავებას და შენახვას.

უწყებაში პერსონალური მონაცემები დაცულია, როგორც ელექტრონული, ისე მატერიალური სახით. საქართველოს გარემოს დაცვისა და სოფლის მეურნეობის სამინისტროს დოკუმენტბრუნვის ელექტრონულ სისტემაში (edoc) ინახება ელექტრონული ფორმით არსებული პერსონალური მონაცემები, რომლებსაც განმცხადებელი უთითებს მის მიერ წარმოდგენილ განცხადებაში.

აღნიშნულ მონაცემებზე წვდომა აქვთ მხოლოდ იმ პირებს, რომლებსაც, მათი სამსახურებრივი საქმიანობიდან გამომდინარე, მინიჭებული აქვთ ამგვარი მონაცემების დამუშავების და შეგროვების უფლებამოსილება. დოკუმენტბრუნვის ელექტრონულ სისტემაში არსებული პერსონალური მონაცემების უსაფრთხოება უზრუნველყოფილია შესაბამისი ინფორმაციულ-ტექნოლოგიური საშუალებებით, რაც გამორიცხავს არაუფლებამოსილი პირებისთვის პერსონალურ მონაცემებზე წვდომას.

სამინისტროს მიერ პერსონალური მონაცემების შეგროვებასთან, დამუშავებასთან, შენახვასა და გადაცემასთან დაკავშირებული წარმოება ხორციელდება „პერსონალურ მონაცემთა დაცვის შესახებ“ საქართველოს კანონისა და „საქართველოს ზოგადი ადმინისტრაციული კოდექსის“ მე-3 თავის მოთხოვნათა შესაბამისად.

საანგარიშო პერიოდში, სამინისტროს საჯარო მოსამსახურეთა მიერ, „საქართველოს ზოგადი ადმინისტრაციული კოდექსით“ დადგენილი მოთხოვნების დარღვევისთვის, შესაბამისი დისციპლინური სახდელი შეეფარდა 2 თანამშრომელს.

პატივისცემით,

## თენგიზ ნასარიძე

## მინისტრის მოადგილე

*[Handwritten signature]*

